

"মিষ্টি বাচ্চারা : -- তোমাদের এই জন্ম খুবই অমূল্য, কেননা বাবা স্বয়ং এইসময় তোমাদের সেবা করেন, লাক্স (লক্ষ্য) সাবান দিয়ে তোমাদের বস্ত্র পরিষ্কার করেন"

প্রশ্ন : - যে আল্লাহকে সৃষ্টির রচয়িতা বলা হয়, তাঁকে কোন্ প্রশ্ন করা উচিত ?

উত্তর : - তাঁকে জিজ্ঞেস করো - আল্লাহ যখন এই সৃষ্টির রচনা করেছিলেন, তখন তাঁর এই রচনার জন্য নারীর প্রয়োজন, আল্লাহর এই নারী কে ? গড ফাদার যখন বলো, তখন অবশ্যই তাঁর সাহায্য চাই। বাচ্চারা, তোমরা এই গুহ্য রহস্যকে খুব ভালোভাবে জানো। আল্লাহর নারী হলেন এই ব্রহ্মা। ইনি হলেন তোমাদের বড় মা। এই কথাকে মানুষ বুঝতে পারে না।

গীত : - এই সব খেলা কে বানিয়েছেন...

ওম শান্তি। বাচ্চারা জানে যে, কোনো মানুষই এই গানের যথার্থ অর্থ করতে পারে না। যারা নাটক বানিয়েছেন, তারাও বুঝতে পারেন না। এমনই গান বানিয়ে দেন, যেমন শাস্ত্র বানানো হয়েছে। তারা কিছুই বুঝতে পারে না। তোমরা বেদকে বলো - এ কোনো ধর্মশাস্ত্র নয়। শাস্ত্র বলবে কিন্তু ধর্মশাস্ত্র নয়। এখন ধর্ম শাস্ত্র থেকে তো কোনো লাভ হওয়ার প্রয়োজন। ধর্মশাস্ত্রের অর্থও মানুষ বুঝতে পারে না। সেই শাস্ত্র যার দ্বারা কোনো ধর্ম স্থাপন হয় কারোর দ্বারা। তাই তোমাদের প্রশ্ন করা উচিত - বেদ, উপনিষদ কোন্ ধর্মের শাস্ত্র ? সেই ধর্ম কে স্থাপন করেছিলেন ? এর থেকে তো কোনো ধর্মই স্থাপন হয় নি। কোন্ - কোন্ ধর্ম আছে তাও বোঝানো হয়। ঝাড়ের মুখ্য অংশ হলো কান্ড। তারপর বড় ডাল, তারপর আবার ছোটো ছোটো ডালপালা বের হতে থাকে। তাই বাচ্চাদের বোঝানো হয় - এই যে সব ধর্মশাস্ত্র আছে, তার মধ্যে সর্ব শাস্ত্র শিরোমণি হলো গীতা - এই হলো কান্ড। আর বাকি সবই রচনা। এই যে ইসলাম, বৌদ্ধ, খ্রিস্টিয়ান আদি সবই হলো কল্প বৃক্ষের ডালপালা। গীতায়ও লেখা আছে যে - মনুষ্য সৃষ্টির ঝাড় আছে। এখন তোমাদের বুদ্ধিতে এই ঝাড়ের রহস্য বসেছে। এর মুখ্য কান্ড হলো - আদি সনাতন দেবী দেবতা ধর্ম। এই ঝাড়ের তুলনা বটবৃক্ষের ঝাড়ের সঙ্গে করা হয়। এই বৃক্ষ অনেক বড় হয়। ঝাড় যখন পুরানো হয়ে যায়, তখন তার কান্ড আর দেখা যায় না, বাকি ডালপালা থেকে যায়। এও ঠিক তেমনই। বাচ্চারা জানে যে, এর কান্ড যে দেবী - দেবতা ধর্ম ছিলো, এখন তা আর নেই। পরমাত্মা যদি ২৪ অবতার নেন, তাহলে তিনি সর্বব্যাপী হতে পারেন না। যখন অবতার নেন তখন কিভাবে তাঁকে সর্বব্যাপী বলা যাবে ? এ তো নতুন কথা, তাই না। এই ঝাড় কতো বড়। এখন এর কান্ডই নেই। আদি সনাতন দেবী দেবতা ধর্মের একজনও মানুষ এখন আর নেই।

মানুষ সত্যযুগকে লাখ বছর পিছনে নিয়ে যায়। এ কতো মুশকিলের কথা হয়ে গেছে। এখন সমস্ত মানুষ দুঃখী দুঃখী। কে সুখী হতে পারে ? সন্ন্যাসীদের বুদ্ধিতেও এই তুলনা আসবে না যে, এ হলো কাক বিষ্ঠার সমান সুখ আর অথৈ দুঃখ। এও তারা জানে না। এখন বাবা বলেন যে - আমি তোমাদের আবার অথৈ সুখে নিয়ে যাচ্ছি। এই সময় আমি আমার অভিনয় করে, সবকিছু করে দিয়ে লুকিয়ে যাই। এই পার্ট তো সকলেই করে যেমন ইসলামী - বৌদ্ধী আদি সবাই লুকিয়ে যাবে, ওপরে চলেও যাবে। এও কেউ জানে না। মানুষকেই বোঝানো হয়। পশুদের তো বলা হবে না। মানুষের

জন্ম সবথেকে উঁচু, এই গায়ন আছে। সে কোন্ জন্ম? বলা হয় যে, মানুষের চামড়াও কোনো কাজে আসে না। তবুও বলা হয় - মানুষের জন্ম উত্তম জন্ম। বাস্তবে তোমাদের এই জন্ম হলো উত্তম, যে বাবা এখন বসে তোমাদের সেবা করছেন। দুনিয়ার মানুষের এই জীবন খুবই কনিষ্ঠ। তোমরা জানো যে -- আমরাও আগে নোংরা কাপড়ের মতো মানুষ ছিলাম, বাবা এখন আমাদের এই বস্ত্রকে জ্ঞানের লাক্স সাবান দিয়ে স্বচ্ছ করছেন আর বলছেন - এখন তোমরা তোমাদের বাবাকে স্মরণ করো।

এই দুনিয়ায় কেউই বাবাকে জানে না। বাবাকে জানলে তবেই তো বাচ্চা হতে পারবে। তোমরা শিবের হলে, ব্রহ্মার হলে, তবেই তোমাদের পৌত্র বলা হবে। ব্রাহ্মণও দুই প্রকারের --- এক হলো মুখ বংশাবলী আর এক হলো কুলজাত বংশাবলী। তোমরা হলে ব্রহ্মার মুখ বংশাবলী ব্রহ্মাকুমার - কুমারী। ব্রহ্মার বাবা কে? শিববাবা। তাঁর বাবা তো কেউই হয় না। তিনিই তোমাদের পড়ান। তিনিই আবার তোমাদের গুরু। এখন তিনি তোমাদের সামনে বসে আছেন, পরে আবার আড়াল হয়ে যাবেন। এই পতিত দুনিয়াকে পবিত্র করে, দেবী - দেবতা ধর্মের স্থাপনা করে, আর সবাইকে মুক্তিধামে নিয়ে যাবেন। তিনি ২১ জন্মের সুখ দিয়ে দিচ্ছেন, আর কি চাই। বাবা তো সদা সুখী বানান। বাকি উঁচু পদ পাওয়ার জন্য তো পুরুষার্থ করতে হবে। কৃষ্ণপুরীকে সুখধাম বলা হয়। নারায়ণের ছেলেবেলা দেখানো হয় না। আবার কৃষ্ণের স্বয়ংবর দেখানো হয়। যদি রাধার সঙ্গে স্বয়ংবর হয়, তাহলে তাঁর নামের যে পরিবর্তন হয় তা দেখানো হয় না। লক্ষ্মী - নারায়ণের কথা তো মানুষ জানেই না। তাঁদের জীবন - চরিত্রকে কেউই জানে না। তোমরা এখন তা বুঝতে পারছো। কোটিতে কয়েকজন ই আসবে যারা এই চক্র সম্পূর্ণ করেছে। তোমরা এ কথা জানো যে - যারা পূজ্য থেকে পূজারী হয়েছে, তারাই প্রথমে ভক্তি করে। সকলেই তো ভক্ত। সর্ষের মতো সমস্ত মানুষ। তোমরা জানো যে, এখন বেচারী সমস্ত মানুষই মৃত্যুর চাকার মধ্যে রয়েছে। এখন বাচ্চারা, তোমরা তীক্ষ্ণ বুদ্ধির অধিকারী হয়েছো। এই ৮৪ জন্মের চক্র বুদ্ধিতে রাখা খুবই সহজ। আমরা এখন ব্রাহ্মণ। আমরাই আবার দেবতা হবো তখন এই ৮৪ জন্ম আবার নিতে হবে। আমিই সেই" এর অর্থ বাচ্চাদের বোঝানো হয়েছে। "আমিই সেই ----সেই আমি" -এই গান এখানেই গাওয়া হয়। অন্য ধর্মে এই অক্ষর নেই। "ওম" শব্দের অর্থ মানুষ "ভগবান" মনে করে নেয়। বাস্তবে "ওম" শব্দের অর্থ - "আমিই আত্মা।" ওরা আবার উল্টো বলে দেয় - আত্মাই পরমাত্মা। আত্মা, তাহলে কি হলো? আমরা তো শরীর নই। পরমপিতা পরমাত্মা তো এমন বলতেই পারেন না যে - আমি আত্মা, এই আমার শরীর। সেই বাবা বলেন - আমি আত্মা তো বরাবর আছি। আমি এই শরীর ধার নিয়েছি। এ আমার শরীর রূপী জুতো নয়। আমার কোনো পা নেই। আমার চরণের কোনো পুজো হতে পারে না। কৃষ্ণের চরণ আছে, আমার তো নেই। আমি হলাম নিরাকার। এমনিতে আত্মাও নিরাকার কিন্তু আত্মা ৮৪ জন্মে আসে। আমার তো কোনো শরীর নেই। আমি হলাম অশরীরী। তোমাদেরও আমি বলি, অশরীরী হয়ে আমাকে স্মরণ করো। তোমরা জানো যে বাবা এখন এসেছেন। তাঁর পার্ট কি? তাঁর পার্ট হলো এই পতিত সৃষ্টিকে পবিত্র করা। নিরাকার তো অবশ্যই কোনো শরীরে আসবেন। মানুষ না জানার কারণে ফার্স্ট প্রিন্স হিসেবে কৃষ্ণের নাম লিখে দিয়েছে। এখন শ্রীকৃষ্ণ এখানে কিভাবে আসতে পারে? এ কথা নিজে বুঝে অন্যদেরও বোঝাতে হবে।

টেগোর আদিরা গীতার কতো মহিমা করতেন। বাস্তবে কৃষ্ণেরও মহিমা নেই। কৃষ্ণের মহিমা তো শিববাবা করিয়েছেন। এ হলো কৃষ্ণের অনেক জন্মের অন্তিম জন্ম। বাবা বলেন যে -- ছোটো

বাচ্চার শরীরে তিনি কিভাবে বসে শোনাবেন ? অবশ্যই অনুভবী রথের প্রয়োজন । ড্রামা অনুসারে আমার এই রথ বিখ্যাত । এমন নয় যে অন্য কল্পে আমি অন্য রথ নেবো । ব্রহ্মার দ্বারাই আমি স্থাপনা করবো । আগের কল্পেও তোমরা ব্রহ্মাকুমার - কুমারীরা ব্রহ্মার দ্বারা অবিনাশী বর্ষা নিয়েছিলে । বাবা এখন বলছেন - অন্য সঙ্গ ত্যাগ করে আমার সঙ্গে যুক্ত হও । আমার তো এক শিববাবা দ্বিতীয় আর কেউ নেই । তুমিই মাতা - পিতা ----যাঁর এত মহিমা, এখন তোমরা তাঁর সামনে বসে আছো । বিচার করতে হবে বরাবর আমাদের কে রচনা করেছেন ? বলা হয় আল্লাহ রচনা করেছেন । তাহলে অবশ্যই আল্লাহর কোনো ফিমেলও থাকবে ? আল্লাহ তো নিরাকার তাহলে তাঁর ফিমেল কোথা থেকে এসেছে ? তোমরা যখন গড ফাদার বলা, তাহলে ফাদার অবশ্যই রচয়িতা হয় । মাদার যদি না থাকে তাহলে তাঁকে ফাদার কিভাবে বলা হবে ? বাচ্চার জন্ম হলে তবেই তো ফাদার বলা হবে । এ কেউই জানে না যে গড ফাদারের ফিমেল কে ? এ হলো সবথেকে গুহ্য কথা । আদম আর বিবি দুইই আছে । আদম ওনাকে বলা হবে কিন্তু সরস্বতীকে বিবি বলা যাবে না । তিনি বিবি হলে তাঁর মা কে ? এ অনেক বোঝার মতো কথা । বাবা বসেই এইসব বোঝান । এই হিসেবেই ব্রহ্মা আমার সজনী হলো । ঐর মুখের সাহায্যেই বাচ্চারা আমি তোমাদের রচনা করি । আমি এই ব্রহ্মার শরীরে প্রবেশ করি । ওনাকে সামলানোর জন্য জগদম্বাকে নিমিত্ত করা হয়েছে । আদি দেব ব্রহ্মা এবং জগদম্বা সরস্বতী ঐরা কে ? বিবেক বলে ইনি হলেন ব্রহ্মার কন্যা । তাহলে ইনি কিভাবে রচনা করেছেন ? ব্রহ্মার দ্বারা রচনা করেছেন তাহলে ইনি হলেন বড় মা । এরপর সামলানোর জন্য মাশ্মাও আছেন আর বাবাও আছেন । প্রথম নম্বরে সরস্বতী আসেন । জগদম্বার কতো মহিমা । এখন তোমরা বুঝে গেছো যে আমরাই সেই ব্রাহ্মণ হয়েছি । আমরা এখন ঈশ্বরের কোলে এসেছি । এখানেও দুই প্রকারের আছে ---- প্রকৃত সন্তান আর নাম মাত্র সন্তান । একই মায়ের সন্তান যখন তখন প্রকৃত আর নামমাত্র তো প্রশ্নই ওঠে না । এখানে কেন প্রকৃত আর নামমাত্র বলা হয় ? বলা হয়, যারা প্রকৃত সন্তান হয় তারা প্রতিজ্ঞা করে --- আমরা পবিত্র হয়ে আশীর্বাদী বর্ষা নেবো । তাই এমন পবিত্র সন্তানই রাজগদির অধিকারী হয় । আর নামমাত্র সন্তানরা প্রজাতে চলে যায় । প্রকৃত সন্তানও অনেক হবে আবার তাদের মধ্যেও নম্বর অনুসারে থাকবে । যে যত পুরুষার্থ করবে, সে ততই মা - বাবার কোলে বসবে । মাশ্মা - বাবা যখন কোলে বসেছেন তখন আমাদেরও সেই আসন পাওয়া উচিত । তা কিন্তু নম্বর অনুসারেই মিলবে । তো এ হলো যোগের যাত্রা । বাবাকে স্মরণ করতে হবে, স্বদর্শন চক্র ঘোরাতে হবে, নিজের সমান বানাতে হবে । নিজের সমান বানানোতে পরিশ্রম করতে হবে । বাচ্চারা তাদের পরিচয় দিয়ে বাবার কাছে রিফ্রেশ হতে আসে । বাবা দেখেন যে - কে কে বাবার সাথে সম্পূর্ণ অবিনাশী বর্ষা নেবে আর সবদিক থেকে মমত্ব দূর করে একদিকেই লাগাবে । তোমরা জানো যে, বাবাই আমাদের এই বিশ্বের মালিক বানান । বাবা বলেন যে, আমি তোমাদের স্বর্গের মালিক বানাবো । এরপর তোমরা সূর্যবংশীই হও বা চন্দ্রবংশী ।

তাই বাবা নিজে থেকেই সবকিছু করছেন । এরপর তিনি লুকিয়ে যাবেন । তিনি তো বারে বারে অবতার নেন না । তাঁর নিজের কোনো শরীরই নেই । তিনি কেবল একবারই আসেন । তোমরা তো বারে বারে এক শরীর ছেড়ে অন্য শরীর ধারণ করো । আমি পুনর্জন্মে আসি না । তিনি কতো ভালোভাবে বোঝান । পূর্বে এই কথা বুদ্ধিতে ছিলো না । অনায়াসে ঘরে বসে বা রাস্তায় বাবা প্রবেশ করে এই কথা বলাতে আমরা জানতে পেরেছি । এখন দিন - প্রতিদিন সমস্ত কথা বুদ্ধিতে বসে যাচ্ছে । এমন তো বলা হয়, আমি সাত দিনের বাচ্চা বা আমি দু মাসের বাচ্চা । এই জ্ঞান তো এক সেকেন্ডেই পাওয়া যেতে পারে । বাবার কতো বাচ্চা আছে । আর কোনো সংসঙ্গই নেই যেখানে এত

বাচ্চা থাকতে পারে। প্রজাপিতা ব্রহ্মা আর জগদম্বাও বাবার ছেলে মেয়ে, নাকি তারা মেল - ফিমেল। মেল - ফিমেল এত সন্তান কিভাবে জন্ম দেবে। কুলজাত সন্তানের তো কোনো কথাই নেই। যারা আগের কল্পে মাতা - পিতার হয়ে বর্ষা নিয়েছিলো, তারাই আসতে থাকবে। কলম লাগতেই থাকে। এ তো বাগান, তাই না। এখন তো দেবী - দেবতা ধর্মের ফুল আর নেই। বাকি সবই যেন কাঁটা। সবই ফুটতে থাকে। এ হলো কাঁটার দুনিয়া। বাবা এসে এই কাঁটার থেকে কুঁড়ি আর কুঁড়ির থেকে ফুল বানান। শ্রীমতে না চললেই তোমরা আছাড় খাও। বাবা বুঝতে পারেন, এ বিকারে আছাড় খেলো। এখন তোমরা পতিত থেকে পবিত্র হচ্ছে। গান্ধী বাপুও পতিত - পাবনকে স্মরণ করতেন। তিনি চাইতেন ওয়ার্ল্ড অলমাইটি অথরিটি রাজ্য হোক। সেই রাজ্য তো বাবাই স্থাপন করবেন। তোমরা জানো যে - এখন আমাদের কংসপুরী থেকে কৃষ্ণপুরীতে যেতে হবে। ভারতে একসময় সত্যযুগ ছিলো। লক্ষ্মী - নারায়ণের রাজ্য ছিলো। এ হলো পাঁচ হাজার বছরের কথা। পাঁচ হাজার বছরের থেকে পুরানো জিনিস আর কিছুই হয় না। লাখ বছরের কোনো জিনিস তো এখন থাকেই না। দেখো, তোমরা বৃদ্ধা মাতারা গুড়গাও থেকে এসেছে মাতা - পিতার কাছে, যাঁর কাছে থেকে তোমরা বর্ষা পাও। বাবাও বৃদ্ধাদের দেখে খুশী হন। তারা পাঁচ হাজার বছর আগে এসেও এই আশীর্বাদী বর্ষা নিয়েছিলো। সমস্ত কিছুই এই পুরুষার্থের উপর নির্ভর করে। তোমরা বৃদ্ধারা এত জ্ঞান ধারণ করতে পারবে না। এই বৃদ্ধ দাদা তো খুব ভালো পড়ে। তোমরা বুঝতে পারো - অল্প বয়সের সরস্বতী মা খুব ভালো পড়তে পারে। আরে, এ তো ব্রহ্মপুত্র নদী। এ তো অবশ্যই খুব ভালো পড়বে, তাই না। এই বৃদ্ধ সবথেকে তীক্ষ্ণ। ওই সরস্বতী তো মেয়ে হয়ে গেলো। বৃদ্ধাদের জন্যও খুবই সহজ। কেবল বাবাকে স্মরণ করতে থাকো। আহা! শিববাবা, তোমার কাছে বলিহারি যাই। তুমি তো আমাদের সুখধামে নিয়ে যাও। ব্যস, এমন খুশীতে থাকলেও তরী পার হয়ে যাবে। সবসময় মনে করবে শিববাবা আমাদের বোঝান। একে ছেড়ে দাও। এমন মনে করো যে শিববাবাই আমাদের শোনান, তাহলে বুদ্ধিযোগ শিববাবার কাছে যাওয়ার ফলে বিকর্ম বিনাশ হবে। মাগ্গাও শিববাবার থেকে শুনেই তোমাদের শোনান। সর্বদা এক শিববাবার স্মরণই যদি থাকে তাহলে বিকর্ম বিনাশ হতে থাকবে। আচ্ছা।

মিষ্টি - মিষ্টি হারানিধি বাচ্চাদের প্রতি মাতা - পিতা, বাপদাদার স্মরণ - ভালোবাসা এবং সুপ্রভাত। রুহানী বাবার রুহানী বাচ্চাদের নমস্কার।

ধারণার জন্য মুখ্য সার :--

১ ) সিংহাসনের অধিকারী হওয়ার জন্য পবিত্রতার প্রতিজ্ঞা করে বাবার প্রকৃত সন্তান হতে হবে, অন্য সব সঙ্গ থেকে মুক্ত হয়ে এক সঙ্গে জুড়তে হবে।

২ ) নিজের সমান বানানোর সেবা করতে হবে। কাঁটার থেকে কুঁড়ি এবং কুঁড়ির থেকে ফুল হতে হবে এবং অন্যকেও করতে হবে। নতুন ঝাড়ের কলম লাগাতে হবে।

বরদান : - সব বিষয়েই মুখে এবং মনে 'বাবা - বাবা' বলে আমিত্ব ভাব সমাপ্তকারী সফলতা মূর্ত ভব

তোমরা অনেক আত্মার উৎসাহ - উদ্দীপনা বৃদ্ধির নিমিত্ত আত্মারা কখনোই আমিষ ভাবে এসো না । আমি করেছি - এমন নয় । বাবা আমাকে নিমিত্ত করেছেন । "আমি" এই শব্দের পরিবর্তে "আমার বাবা, আমি করেছি বা আমি বলেছি, এমন কথা নয় । বাবা করিয়েছেন, বাবাই করেছেন এমন ভাবে সফলতামূর্ত হতে পারবে । নিজের মুখ থেকে যত বাবা - বাবা শব্দ নির্গত হবে ততই অনেককে বাবার করতে পারবে । সবার মুখ থেকে এই কথাই যেন বের হয় যে - এর চেতনা এবং কথায় একমাত্র বাবাই আছে ।

স্লোগান : - সঙ্গম যুগে নিজের তন - মন এবং ধনকে সফল করা এবং সর্ব সম্পদের বৃদ্ধি করাই হলো বুদ্ধিমানের কাজ ।